

SK Catholic English
Pendidikan Moral Tahun 4
Unit 6: Hormat


“Mari Uji Diri”

PdPR Minggu 13
Khamis, 22hb April 2021

SEMAIKAN AMALAN
MENGHORMATI JIRAN

Fahami cerita.

James sekeluarga baru berpindah ke Aras 12, Blok A, Pangsapuri Setia.



6 James, kamu patut meletakkan basikal di sini supaya tidak menghalang laluan jiran.

7 Baiklah.



- ◆ Berdasarkan cerita di atas, jelaskan contoh perlakuan menghormati jiran.
- ◆ Menghormati peraturan kejiranan amat penting untuk mewujudkan suasana yang tenteram dan bahagia. Bincangkan.

NOTA GURU

- Minta murid melafalkan cerita di atas.
- Gajikan murid mengamalkan sikap menghormati jiran dalam kehidupan harian untuk mengelakkan sebarang perselisihan faham dan mengelakkan keharmonian dalam kejiranan.

SURI TELADAN
KEJIRANAN

Baca dan fahami catatan diari Prema.

11 Januari...

Saya menghadiri majlis sambutan hari kelahiran jiran dengan membawa hadiah sebagai tanda hormat. Saya tiba tepat pada pukul 5:00 petang seperti yang tercatat pada kad jemputan.



Saya dan adik menyimpan mainan untuk menghormati jiran yang datang ke rumah.

16 Julai...

Saya tertarik akan anak patung jiran. Saya meminta keizhan untuk bermain dengan anak patung itu. Sikap saya disenangi oleh jiran.



13 November...

Saya menjemput jiran ke rumah semasa perayaan Hari Deepavali. Saya menyediakan penyepit, garpu dan sudu untuk jiran yang berlainan bangsa. Saya gembira kerana dapat menghormati jiran. Saya dan jiran hidup bahagia.



- ◆ Jelaskan cara menghormati jiran semasa:
 - jiran mengunjungi rumah kamu.
 - kamu berkunjung ke rumah jiran.
- ◆ Amalan menghormati jiran mendatangkan kebaikan dalam kehidupan berjiran. Bincangkan.

NOTA GURU

- Minta murid melafalkan cara menghormati jiran apabila berjumpa dengan jiran di sekitar kejiranan atau menerima jemputan ke majlis anjuran jiran.

HORMATI JIRAN
AMALAN MULIA

Lafaz dan hayati pantun.

Gugur seludang di atas papan,
Buah berangan di dalam guni;
Jiran bertandang disaji kudapan,
Akrab hubungan kejiranan harmoni.

Suria menyingsing penyeri alam,
Bagai sinaran ribuan lilin;
Janganlah bisik tatkala malam,
Hormati jiran hubungan terjalin.

Hijau kesuburan sayur-sayuran,
Ulam pegaga dipetik si nona;
Hidup berjiran jaga pertuturan,
Perasaan dijaga mesra terbina.

Buah anggur berkati-kati,
Tumbuh melata selalu disiram;
Jiran menegur kita hormati,
Tiada sengketa hidup tenteram.

Menarik joran perlahan-lahan,
Menyangka kelisa rupanya kekura;
Sesama jiran jaga kebersihan,
Hidup selesa terasa gembira.

Nukilan: Sing Bee Khim

- ◆ Berdasarkan pantun, bincangkan kelebihan menghormati jiran.
- ◆ Secara berkumpulan, hasilkan pantun tentang amalan menghormati jiran.

NOTA GURU

- Minta murid melafalkan pantun yang telah dihasilan.
- Minta murid menceritakan pengalaman menghormati jiran.
- Minta murid meramalkan kesan jika tidak menghormati jiran.



UNIT 6: HORMAT

Mari Uji Diri I

Lengkapkan jawapan.

Contoh Tindakan Menghormati Jiran

Perlakuan

Pertuturan

Peraturan

UNIT 6: HORMAT

Mari Uji Diri 2

Lengkapkan jawapan.

Nyatakan perasaan menghormati jiran.

Apakah kesan tidak menghormati jiran?

Apakah kelebihan menghormati jiran?